

3. CYMBIDIUM VIOLACEUM. †

C. foliis distichis, oblongo-ellipticis, obtusis, canaliculatis, interius maculatis; scapo paucifloro; calycis foliolis exterioribus lanceolato-oblongis; duobus interioribus oblongis, subcrenulatis; labello trilobo; lobo intermedio subrotundo, emarginato, crenulato, interius ruguloso-venoso.

Crescit in sylvis Orinocensibus prope cataractas Aturensium et San Fernando de Atabapo. ♀ Floret Majo.

PLANTA parasitica. RADIX ignota. FOLIA disticha, patenti-reflexa, oblongo-elliptica, obtusa, canaliculata, coriacea, glaberrima, striata, interius nigro-maculata, vix tripollicaria, pollicem et latiora, basi vaginantia. VAGINÆ cylindræ, membranæ, striatæ, glabræ, albidæ; inferiores aphyllæ, apice acuminatæ, sesqui- aut bipollicares. SCAPUS teretiusculus, suboctopollicaris, pauciflorus, usque supra medium vaginis vestitus. SPATHA oblonga, acuta, carinata, striata, glabra, membranacea, sesquipollicaris. SPATHELLE abbreviatæ, acutæ. FLORES sessiles. CALYX violaceus, glaberrimus, patentissimus; foliola tria exteriora lanceolato-oblonga, acuta, plana, crassiuscula, striato-nervosa, bipollicaria; duo interiora oblonga, utrinque acuta, subcrenulata, exterioribus paullo longiora, tenuiora, reticulato-venosa; labellum trilobum, longitudine foliolorum exteriorum, basin versus flavum, gynostemum involvens; loba lateralia oblique oblonga, obtusa; lobum intermedium (lamina) subrotundum, apice emarginatum, crenulatum, interius rugoso-venosum. GYNOSTEMUM labello duplo brevius, triquetrum, apterum. ANTHERA terminalis. POLLINIS massas in hoc et præcedentibus haud vidi.